

RICKY KOCK, DHADDY BROKKE Y MARTA FIGUEROA LO SER HOMENAGEA TAMBE AWE NOCHI

Durante Festival "Un canto na nos Himno y Bandera" awe nochi, lo ser homenagea tambe e cantante Dhaddy Brokke y e musico Ricky Kock

RICKY KOCK

Cedric Roman "Ricky" Kock, naci 7 di juli 1961 a cumenza toca viol cu 16 aña di edad na 1977 y a wordo instrui pa Sr. Pascual Kelly cu tambe ta toca viol. E mes aña e agrupacion den cual Ricky a forma parti, Tipico Juvenil di Piedra plat, a participa na Festival di dande 1977 y termina na di 3 lugar tipico y tabata e grupo mas hoben.

Despues Ricky a forma parti di Los Genios di Piedra plata conquistando prome lugar. Ricky ta toca ademais mandolin, cuarta, guitarra y piano keyboard. Den e festival di mandolin organiza pa Chua Farro na 1982 entre e mihornan di nos isla Ricky a termina na di 2 lugar. El a forma parti tambe di varios mariachi entre nan Mariachi Guadarricana, Campesino, Oro y Plata, Lirios del campo y Perla di Aruba. Cu e ultimo dosnan el a toca na Guadalajara, Mexico den encuentro internacional.

Na 1986 hunto cu Ricardo "Cado" v.d. Biezen el a forma Tipico ola Tropical y varios vez a gana prome

lugar cu cancionnan tipico y varios aña esun mas popular di Aruba.

Un cancion popular y inolvidable di e grupo ta "Cu nos burico" den cual Ricky cu su viol ta imita grito di un burico. Esaki a gana prome lugar na 1987 den tipico. Cu Sra. Eileen Croes Ola tropical a gana "Festival Un canto pa Aruba" dedica na nos Himno y Bandera na 1989 cu e piesa "Aruba Noble patria" y cu wals a gana tambe prome lugar.

Na 1989 Ola tropical a biaha a francia cu Teatro di Danza Aruba di Diana Antonette y a presenta den Festival Mondiofolk cu hopi otro pais cu nan folklore den ramo di musica y baile. Tambe el a representa Aruba na Caribbean Festival na Miami y Festival del Tambor na Valencia y Expo Antillas na Curacao.

Formando parti como director musical di ola Tropical el a gana Premio Motivo y Premio Rufo Wever varios vez como mihor tipico di aña y mihor tipico di decada 80 pa 90. El a compone varios piesa ganador den categoria

tipico di un canto na Aruba su Himno y Bandera" y durante festival di Dande. Nelson Tromp a canta y gana cu varios di su cancionnan. Un di su dos yiu hombernan, Omar ta e violinista popular cu dentro di poco lo ta profesional, Omar kock kende for di su di 11 aña di edad a cumenza haya les di su tata y despues a sigui estudionan na Maracaibo cu maestro Pedro Moya, na Conservatorio di Puerto rico y actualmente ta studiando na Zwolle, Hulanda. E deseo grandi di Ricky semper tabata y ta pa Omar un dia ta un musico profesional di violin.

DHADDY BROKKE

Di Dhaddy Brokke ta presenta aki un resumen di e careda amplio cu e tin tras di lomba. Dhaddy Brokke a cumenza canta cu 8 aña na scol, tambe a forma parti di De Trupialen bao guia di Frere Alexius, despues cu e organizacion a habri pa mucha muhernan tambe forma parti. Dhaddy tambe a forma parti di grupo Bala Bala di maestra Rhoda Frigerio y a canta den varios bario y club cu e grupo. Dhaddy a forma parti di grupo di Aguinaldo Las Palmers di Elma Luidens y ademais for di tempran a cumenza presenta den programanan na Tele Aruba. Entre Aruba den shownan di Robby Schouten, Rufo Wever, Padu del Caribe, Cocktail Musical di Ronny Marrugg, y programanan special. El a canta cu Trio Huasteca, Rufo Wever, Padu del Caribe, Rufo Odor, Trio Los Arubeños, los Caciques entre otro y tabata corista na Aruba pa Trino Mora, Charito, y Henry Stevens y a canta duo tambe cu su ruman Linda Brokke den festival di Connie Francis Club ganando cu Romeo y Julieta y Hace mas di un año. Den periodo di Flower Power, Dhaddy a canta cu bandanan manera T.M. Five, Golden Treasures, The Tramps pero Ser'i noca semper a keda su lugar preferi di presentacion, riba clubnan y barionan y De Veer theater. El a funda Dhaddy and the Starshines na 1967 cu tocadoran Dennis

Raghunath, Landho Garcia y Dennis Zeppenfeldt y a cumenza toca na Divi Divi Hotel y tambe a haci un gira di dos siman na Merca. Na 1970 a nace Dhaddy y Dedhalavie for di mes raiz di Starshines, cu Landho, Dennis Raghunath, Victor Camacho, y Eric Rafael como musiconan cual banda a bira masha popular riba nos isla y a graba tambe e LP di oro cu Tuyo Herrera cu a sustitui pa Victor cu a retira y despues Amado Rosina a sustitui Tuyo y a graba 3 LP mas.

Dhaddy a graba ademais di esakinan varios single exitoso pero na 1983 cu el a cumenza e fase nobo di duo cu Tony Sherman, el a explota den fama na Aruba, Antiyas y Hulanda. Nan hit "Spaar bo amor" a bira un clasico grandi y prome cu nan a yega Antiyas for di Hulanda, ya 10 sala tabata sold out pa concierto di Dhaddy y Tony. Dhaddy a saca despues varios LP como solista, dedica na piesanan na muchanan, mama y tata, na Padu y ademais el a bira empresario terciendo for di exterior, artistanan grandi entre nan Anna Gabriel, La India, Carlos Vives, y mariachi Mexico di Pepe villa. El a compone pa varios CD di otro artistanan y a ricibi ademais varios reconocimiento den su careda amplio cu e aña aki ta bira 50 aña den farandula.

MARTA FIGUEROA-LACLE

For di su 4 aña el a cumenza haya les di piano cerca juffrouw Fie Eman y progresa y cu e grupo di alumnonan a toca varios biaha den Cas di Cultura. Les di piano a caba ora cu su juffrouw a bay hulanda y e tabata tin 12 aña. Pero cu 10 aña el a cumenza organiza shownan cu su primanan y invita brio di Sivi Divi pa bin mira y mester a contribui cu 10 cen pa cubri gastonan. Añanan a pasa y el a casa cu Oscar Figueroa d.f.m. cu tabata un gran cantante. Martha su pasion pa musica


asigui y na 1976 el a cumenza presenta e programa di television "Matinette" bao direccion di Imelda de Cuba. E programa tabata tin den dje quiz, canto, baile y e muchanan fiho di e programa tabata ser yama e "gang" di Matinette. Den curso di e 7 añanan di e programa, su ruman Rebecca a propone pa graba algun cancion cu nan yiunan y nan casa. Hunto cu Oscar el a logra compone varios cancion nobo di mucha entre nan un cancion yama Pierrewietje y for di e cancionnan aki a sali e prome LP di Pierrewietje y e grupo di seis mucha, yiunan di Marta, Rebeca y Antonio a haya e number ey tambe. Despues a bini mas longplay y e grupo a aumenta ora cu e sobrino y sobrinanan a bira mas grandi y a inclui otro muchanan cu no tabata famia.

E grupo a bira asina grandi cu ademais a bin cu propio show di dos ora na television na Cas di Cultura y a sigui graba te awe. Television a atrae Marta y prome cu Matinette hunto cu Oscar y Sharon Rose nan tabata tin Aruba Safety Show na Tele Aruba, show riba seguridad den trafico. Oscar cu tabata cantante, musico compositor y fotografo profesional, a bay sosega cu edad hoben lagando un bashi den bida di Marta y den mundo artistico na Aruba. Pero Marta a sigui cu forza y haci locual e y Oscar semper tabata gusta mas. El a presenta programa di mucha "Potpourri" na ATV sigui cu su Pierrewietje y a wordo condecora tame como Ridder in de Orde van Oranje Nassau. E tin actualmente mas o menos 100 mucha di 4 aña bay ariba den Pierrewietje cu a duna show na Aruba, corsow, Bonaire y hasta Hulanda.

E satisfaccion grandi di Marta ta cu awendia hasta yiunan di ex integrantenan ta forma parti di Pierrewietje cu ta nifica cu e ta un proceso di generacion pa generacion.

ONE ISLAND LIVING HEALTHIER

Community Health & Wellness Fair



FREE Health Screening:

- Colesterol *
- Diabetics *
- Precincts Vision *

Education information & Mucho Mas!

Perforator bin na YUNA y no como 8 ora prome cu e trabou di laboratorio. Breakfast ta wordo sirbi despues FREE.

Aureus University School of Medicine orgullosamente ta presenta nos di 3 Health Fair.

diasabra, Maart 24th, 2012. 8A.M - 2P.M. Wayaca 31C



NOS TA DUNA DANKI:

Optica Perfect Vision * Starbucks * 2 Be Fit Studio * Talk of the Town * Abbott * Fantastic Gardens * Marriott, Anbus, Asencia Airlines, Red Cross...



Aureus University School of Medicine

Cualquier persona cu ta interesa den traducir Papiamento pa Ingles please contact: 583-2128/26.

Telefonan di DIARIO
582-6747 / Fax: 582-8551